

山西通志卷第二百二十五

山西巡撫都察院右副都御史臣覺羅石麟奉

旨修輯

藝文

四十

詩五

五言排律

梁

經夏禹廟

庾肩吾

金簡泥初發龍門鑿始通配天不失舊爲魚微此功林堂上
偃蹇山殿下穹隆侵雲似天闕照水類河宮神來導赤豹仙
女擁飛鴻松龕撤暮俎棗逕落寒叢仙舟還入鏡玉軸更乘
空去國嗟行邁離居泣轉蓬月起吳山北星臨天漢中申胥
猶有志荀息本懷忠待見攬搶滅歸來松栢桐

隋

從駕幸晉陽

薛道衡

省方遵往冊遊豫叶前經金吾朝戒道校尉晚巡營重轡下
飛騎絕浦渡連旌澗水寒逾咽松風遠更清方觀翠華反簪
筆上云亭

從駕巡遊

李德林

大夏堯遺俗汾河漢豫遊今隨龍駕往還屬鴈飛秋天行肅
輦路日馭翼華輶朝乘六氣辨夕動七星旒谷靜禽多思風
高松易秋遠林才有色遙水漫無流京華佳麗所目極與雲
浮但觀凌霄觀詎見望仙樓鑲門皆秀發駕池盡學優待君
草封禪東山觀射牛

謁井州太興國寺

太宗

回鑾遊福地極目玩芳晨梵鐘交二響法日轉雙輪寶刹遙承露天花近足春未佩蘭猶小無絲柳尚新圓光低月殿碎影亂風筠對此留餘想超然離俗塵

早登太行山中言志

元宗

清蹕度河陽凝笳上太行火龍明鳥道鐵騎繞羊腸白霧埋陰壑丹霞助曉光澗泉含宿凍山水帶餘霜野老茅爲屋樵人薜作裳宣風問耆艾敦俗勸耕桑涼德慙先哲徽猷慕昔皇不因今展義何以冒垂堂

巡省途次上黨舊宮賦

并序

朕昔在初九佐貳此州未遇扶搖之力空俟海沂之詠洎大橫入兆出處斯易一揮寶劔遽履瑤圖承歷數而順謳

謠著天衣而御區夏嗟乎向時沈默駕四馬而朝京師今
日逍遙乘六龍而問風俗爰因巡省途次舊居山川宛然
人事無間忽其鼎革周遊館宇觸目依然雖迹異漢皇而
地如豐邑擊筑慷慨酌桂留連空想大風題茲短什

三千初擊浪九萬欲搏空天地猶驚否陰陽始遇蒙存貞期
歷試佐貳佇昭融多謝時康理良慙實賴功長懷問鼎氣夙
負拔山雄不學劉琨舞先歌漢祖風英髦旣包括豪傑自牢
籠人事一朝異謳歌四海同如何昔朱邸今此作離宮鴈沼
澄瀾翠猿巖落照紅小山秋桂馥長坂舊蘭叢卽是淹留處
乘歡樂未窮

賜崔日知往潞州

潞國開新府壺關寵舊林妙旌循吏德持悅庶氓心禮樂中

朝貴神明列郡欽揚風非贈扇易俗是張琴藩鎮誼誥滿行
官雨露深會書丞相策先賜潁川金

登蒲州道遙樓

長榆息烽火高柳靜風塵卜征巡九洛展豫出三秦昔是潛
龍地今爲上理辰時平乘道泰聊賞遇年春黃河分地絡飛
觀接天津一覽遺芳翰千載肅如神

早渡蒲津關

鐘鼓嚴更曙山河野望通鳴鑾下蒲坂飛旆入秦中地險關
逾壯天平鎮尚雄春來津樹合月落成樓空馬色分朝景雞
聲逐曉風所希常道泰非復候繻同

餞王駿巡邊

振武威荒服揚文肅遠墟金壇申將禮玉節授軍符免胄三

方外衝刀萬里餘昔時吳會靜今日虜庭虛分閫仍推轂援
桴且訓車風揚旌旆遠雨洗甲兵初坐見台階謚行問袂履
除檄來雖插羽箭去亦飛書舟楫功須著鹽梅望匪疎不應
陳七德欲使化先敷

南出雀鼠谷荅張說

雷出應乾象風行順國人川途猶在晉車馬漸歸秦背陝關
山險橫汾鼓吹頻草依陽谷變花待北巖春聞有鷓鴣客清
詞雅調新求音思欲報心迹竟難陳

黃頰山

王績

別有青溪道斜亘碧巖隈崩榛橫古蔓荒石擁寒苔野心長
寂寞山徑本幽迴步步攀藤上朝朝負藥來幾看松葉秀頰
值菊花開無人堪作伴歲晚獨悠哉

奉和聖製同二相南出雀鼠谷

張九齡

設險諸侯地承平聖主巡東君朝二月南旂擁三辰寒出重
關盡年隨行漏新瑞雲叢捧日芳樹曲迎春舞詠先馳道恩
華及從臣汾川花鳥意併奉屬車塵

餞王尚書出邊

漢相推人傑殷宗伐鬼方還聞出將重坐見卽戎良上策應
爲豫中權且用光令申兵氣倍威憺虜魂亡樹比公孫大城
如道濟長夏雲登隴首秋露沾遼陽武德舒宸睴文思饒樂
章感恩身旣許激節膽猶嘗祖帳傾朝列軍麾駐道傍詩人
何所詠尚父欲鷹揚

奉和聖製早度蒲津關

魏武中流處軒皇問道回長堤春樹發高掌曙雲開龍負王

舟渡人占仙氣來河津會日月天仗役風雷東顧重關盡西
馳萬國陪還聞股肱郡元首詠康哉

奉和聖製早登太行山率爾言志

孟月攝提貞乘時我后征晨嚴九折度暮戒六軍行日御馳
中道風師卷太清戈鋌林表出組練雪間明動植希皇豫高
深奉睿情陪游七聖列望幸百神迎氣色煙猶喜恩光草尚
榮之采稱萬歲今此復同聲

餞薛大夫護邊

李嶠

荒隅時未通副相下臨戎授律星芒動分兵月暈空犀皮擁
青橐象齒飾雕弓決勝三河勇長驅六郡雄登山窺代北屈
指計遼東竚見燕然上抽毫頌武功

王屋山第之側雜構小亭暇日與羣公同遊

樓亭依絕巘蘭榭俯回溪綺棟魚鱗出雕甍鳳羽棲引泉
張沼鑿磴且通蹊席上山花落簾前野樹低弋林開曙景釣
渚發晴霓狎水驚梁雁臨風聽楚雞復看題柳葉彌喜蔭桐
圭

和李大夫嗣直奉使存恤河東

杜審言

六位乾坤動三微歷數遷謳歌移火德圖識在金天子月開
階統房星受命年禎符龍馬出寶錄鳳凰傳地卽交風雨都
仍卜澗瀍明堂惟御極清廟乃尊先不宰神功運無私大象
懸八荒平物土四海接人煙已屬羣生泰猶言至道偏璽書
傍問俗旌節近推賢秩比司空位官臨御史員雄詞執刀筆
直諫下樓船國有大臣器朝加小會筵將行備禮樂送別仰
神仙城闕周京轉關河陝服連稍觀汾水曲俄指絳臺前姑

射聊長望平陽遂宛然舜耕餘草木禹鑿舊山川昔出諸侯
靜無何霸業全中軍掃戰敵外府絕兵權隱隱帝鄉近瞻瞻
肅命虔西河偃風俗東壁掛星躔井邑枌榆社陵園松柏田
榮光朝掩代佳氣曉侵燕雨霈鴻私滌風行睿旨宣惇嫠訪
疾苦屠釣採貞堅人樂逢刑措時康洽賞延賜踰秦氏給恩
倍漢家錢擁傳咸翹首稱觴競比肩拜迎彌道路舞詠溢郊
鄴殺氣西衝白窮陰北暝元飛霜遙渡海殘月迥臨邊緬邈
朝廷問周流朔塞旋興來探馬策俊發抱龍泉學總八千卷
文傾三百篇澄清得使者作頌有人焉莫以崇班閔而云勝
託捐偉才何磊落陋質幾翩翹江海寧爲讓巴渝轉自牽一
聞歌聖道助曲荷陶甄

奉和聖製荅張說扈從南出雀鼠谷

宋 璟

秦地雄西夏并州近北胡禹行山啓路舜在邑爲都忽視
暄隔深思險易殊四時宗伯敘六義宰臣鋪徵作宮常應
環日每紆盛哉逢道合良以致亨衢

蒲津迎駕

回鑾下蒲坂飛旆指秦京維上黃雲送關中紫氣迎霞朝看
馬色月曉聽雞鳴防拒連山險長橋壓水平省方知化洽察
俗覺時清天下長無事空餘襟帶名

奉和聖製登蒲州逍遙樓應制

蘇頲

在昔堯舜禹遺塵成典謨聖皇東巡狩况乃經此都樓觀紛
迤邐河山幾縈紆緬懷祖宗業相繼文武圖尚德旣無險觀
風諒有孚豈如汾水上簫鼓事遊娛

奉和聖製早登太行山中言志應制

北山東入海馳道上連天順動三光注登臨萬象懸俯觀河
內邑平指洛陽川按蹕夷關險張旗亘井泉曉巖中警柝春
事下蒐田德重周王問歌輕漢后傳宸游鋪令典睿思起芳
年願以封書奏迴鑾禪肅然

奉和聖製途次舊居應制

潞國臨淄邸天王別駕輿出潛離隱際小往大來初東陸行
春典南陽卽舊居約川星罕駐扶道日旗舒雲覆連行在風
迴助掃除水行城邑望臯落土田疏昔試邦興后今過俗猷
予示威寧校獵崇讓不陳魚府吏趨宸扆鄉耆捧帝車帳傾
三飲處閑整六飛餘盛業銘汾鼎昌期應洛書願陪歌賦末
留比蜀相如

奉和聖製答張說出雀鼠谷

雨施巡方罷雲從訓俗迴密途汾水衛清蹕晉郊陪寒著山
邊盡春當日下來御祠元鳥應仙仗綠楊開作頌音傳雅觀
文色動台更知西向樂宸藻協鹽梅

奉和聖製送王叡巡邊應制

張說

六月歌周雅三邊遣夏卿欲施攻戰法先作簡稽行禮樂知
謀帥春秋識用兵一勞堪定國萬里卽長城策有和戎利威
傳破虜名軍前雨灑道樓上月臨營別藻瑤華降同衣錦褱
榮關山由義近戎馬爲恩輕絲竹路傍散風雲馬上生朝廷
謂吉甫邦國望君平

奉和聖製度蒲關應制

蒲坂橫臨晉華芝曉望秦關城雄地險橋路扼天津樓映行
宮日隄含苑樹春黃雲隨寶鼎紫氣逐真人東詠唐虞跡西

觀周漢塵山河非國寶明主愛忠臣

奉和聖製太行山中言志應制

六龍鳴玉鑾九折步雲端河絡南浮近山經北上難羽儀映
松雪戈甲帶春寒百谷晨笳動千巖曉仗攢皇心感韶節敷
藻念人安旣立省方館復建禮神壇扈蹕參天老承榮忝夏
官長勤百年意思見一勝殘

奉和聖製爰因巡省途次舊居應制

葱鬱興王郡殷憂啓聖圖周成會西土漢武幸南都歲卜鑾
輿邁農祠鴈政敷武威稜外域文教靡中區警蹕干戈捧朝
宗萬玉趨舊藩人事革新化國容殊壁有真龍畫庭餘鳴鳳
梧叢觴祝堯壽合鼎獻湯廚陽樂寒初變春恩蟄更蘇三耆
頒命服五稔復田輸君賦大風起人歌湛露濡從臣觀玉牒

方願紀靈符

奉和聖製賜崔日知往潞州應制

聖情留曩鎮佳氣翊興王增戟雄都府高車轉太常川橫八
練瀾山帶五龍長連帥初恩命天人舊紀綱餞塗飛御藻闔
境自生光明主徵循吏何年下鳳皇

扈從南山雀鼠谷

豫動三靈贊時巡四海威陝關凌曙出平路半春歸霍鎮迎
雲罕汾河送羽旂山南柳半密谷北草全稀遲日宜華蓋和
風入袷衣上林千里近應見百花飛

奉和早登太行山中言志應制

張嘉貞

明發扈山巔飛龍高在天山南平對鞏山北遠通燕瞻彼岡
巒峻憑茲士馬妍九圻行若砥萬谷輾如川羅網開三面閭

閭閻百年澤將春雪比文共曉星連後后逢今聖登臺謝曩賢唯餘事君節不讓古人先

奉和聖製荅張說扈從南出雀鼠谷之作

袁暉

魏國山河險周王警蹕迴九旗雲際出萬騎谷中來右路行將盡烟郊望忽開賞矜垂柳報春畏落花催興逸橫汾什思褒作頌才小臣瞻日月延首詠康哉

奉和聖製荅張說南出雀鼠谷

席豫

鳴鑾初幸代旋蓋欲橫汾山盡千旗出郊平五校分前林已暄景後壑尚寒氛風送蕭韶曲花鋪黼黻文鹽梅推上宰禮樂統中軍獻賦紆天札飄飄飛白雲

奉和聖製荅張說扈從南出雀鼠谷

王光庭

省俗恩將徧巡方路稍迴寒隨汾谷盡春逐晉郊來雲騎轉
行漏煙旄引從臺惠風初應律和氣正調梅雅頌通宸咏天
文接曙台霸陵桃李色應待日華開

奉和聖製早度蒲津關

徐安貞

仙掌臨秦甸虹橋關晉關兩都分地險一曲度河灣路得津
門要時稱古戍閑城花春正發岸柳曙堪攀後乘猶臨水前
旌欲換山長安迴望日宸御六龍還

奉和聖製荅二相出雀鼠谷

雨臣初入夢二月扈巡邊澗北寒猶在山南春半傳頌聲先
奉御辰象復回天雲日明千里旌旗照一川柳陰低輦路草
色變新田還望汾陽近宸遊自窅然

奉和聖製荅張說南出雀鼠谷

崔翹